

(中華郵局特准掛號立券認爲新聞紙類)

中華民國十四年五月二十日

第二百二十八期

# 膠澳商報

## 本報價目

每週兩期每期一角  
每月八角  
全年八元  
外埠每月加郵費四分

膠澳商埠督辦公署秘書處編纂股發行  
電話 公署分機 第十一號

# 目錄

## 命令

### 臨時執政令

- 膠澳商埠督辦公署署令第二三號
- 膠澳商埠督辦公署訓令第三七〇號
- 膠澳商埠督辦公署訓令第三七一號
- 膠澳商埠督辦公署訓令第三七四號
- 膠澳商埠督辦公署訓令第三七五號
- 膠澳商埠督辦公署訓令第三七九號
- 膠澳商埠督辦公署指令第一〇五號
- 膠澳商埠督辦公署指令第一〇六號
- 膠澳商埠督辦公署指令第一〇七號
- 膠澳商埠督辦公署指令第一〇八號
- 膠澳商埠督辦公署指令第一一三號
- 膠澳商埠督辦公署指令第一二〇號
- 膠澳商埠督辦公署指令第一二三號
- 膠澳商埠督辦公署指令第一二八號
- 膠澳商埠督辦公署指令第一二九號
- 膠澳商埠督辦公署指令第一三七號
- 膠澳商埠督辦公署指令第一三八號
- 膠澳商埠督辦公署指令第一三九號

膠澳商埠督辦公署指令第一一四〇號

膠澳商埠督辦公署委任令第一〇五號

膠澳商埠督辦公署委任令第一〇六號

## 佈告

膠澳商埠警察廳佈告第二七號

## 批示

膠澳商埠督辦公署批第四九九號

膠澳商埠督辦公署批第四六〇號

## 附件

膠澳商埠港政局業務經過概要 (續第二百二十二期)

山東青島地方審判廳州事判決

## 廣告

## ▲命 令▼

### 臨時執政令

據京師警察總監朱深呈報本月七日各校學生數百人闖入魏家胡同兼署教育總長章士釗住宅遇物即毀不服制止並毆傷到場彈壓之警察署長及巡官長警多名當經截獲十八人移送法庭訊辦近年學風敗壞各校迭有停課廢學聚眾集會情事此次公然糾集數百人侵入國務員住宅搗毀物件警毆傷人實屬擾亂治安顯干刑法聞多有未成丁者罔識情由盲從附和準情酌罪能無憫惜青年學子光陰可貴學有成就方可立身顯親效用國家君子思不出位成德之士尙有是戒爾諸生正求學之不遑何得驚外干政爾諸生不知自愛政府不能不有以愛之教之何忍博寬大之名長凌囂之習致誤諸生以誤國家著責成教育部嚴申誥誡嗣後各校學生務應專心向學勿得勞涉他務倘再有上項情事即著京畿警備總司令京師警察總監嚴切制止以整學風而肅綱紀此令

內務總長龔心湛呈准吉林省長張作相咨濱江警察廳警正宋國澤金恩濤陳寶東徐會海均請免職應照准此令

內務總長龔心湛呈准吉林省長張作相咨請任命崔國卿馬寶山爲濱江警察廳警正崔荆巖姚熙濬楊芳辰試署警正均照准此令

中華民國十四年五月十日

兼署教育總長章士釗呈請任命鍾建閔爲祕書應照准此令

陸軍部呈請任命張恩孝爲鞏縣兵工廠會辦應照准此令

參謀本部呈請任命余炳文署科長應照准此令

陸軍部呈請授孫丙璋爲陸軍礮兵少校王文振張俊一蘇蔭庚爲陸軍三等獸醫正均照准此令  
中華民國十四年五月十一日

內務總長龔心湛呈准吉林省長咨請將試署濱江警察廳技正林桂馨免去署職應照准此令

內務總長龔心湛呈准直隸省長咨天津警察廳技正唐家植另有任用請免本職應照准此令

內務總長龔心湛呈准直隸省長咨請任命王毓銳為天津警察廳技正應照准此令

中華民國十四年五月十二日

任命王成芳為陸軍第十二師步兵第四十五團團長李寶珩為騎兵第十二團團長此令

陸軍部呈請任命宋錫恩為陸軍第十二師副官長王承祖為正軍械官張興基為步兵第四十五團團附呂

樹堂為三營營長蘇桂榮為步兵第四十六團團附孫殿儒為第三營營長張崑為步兵第四十七團團附焦

錫恩為第一營營長陳國波為步兵第四十八團團附宋恆賓為第二營營長王子元為騎兵第十二團團附

王春山為第三營營長王萬權為礮兵第十二團團附郭廣聚為工兵第十二營營長均照准此令

財政總長李思浩呈請將察哈爾興業銀行監理官顧行免去本職應照准此令

中華民國十四年五月十三日

膠澳商埠督辦公署署令 第二三三號

財政科科長郭樸辭職照准聘為本署顧問除另具聘函聘任外合行令知此令

中華民國十四年五月十六日

膠澳商埠督辦公署訓令 第三七〇號

令 警察廳

為令行事案准

內務部咨復內開准咨稱膠澳警察廳保安隊警兵鄭景復積勞病故請核卹等因核與警察官吏卹金給與條列規定相符鄭景復准照巡警積勞病故例給予一次卹金五十元遺族卹金四年年給二十五元除彙案呈咨外相應咨復查照飭遵等因准此合將該故警鄭景復卹金證書一份飭科依式填就令發該廳查收轉

給該故警遺族存執遵章具領仍將收到日期具報查攷仰即遵照此令

計發故警鄭景復卹金證書一份

中華民國十四年五月十二日

膠澳商埠督辦公署訓令 第三七一號

令 總商會

爲令知事前據該商會呈請本埠煙葉免予重徵並轉函菸酒經徵處將扣押瑞春號煙葉發還一案業經指令姑候函知膠濟菸酒經徵處查復再行飭遵在案茲據該處呈復內稱遵查該商等在濰縣等處購運菸葉所納者乃係產地稅率按之頒定膠澳徵收菸酒稅章第十七條載凡運銷膠澳區域範圍以內之菸酒無論由山東以及其他省分運到銷售者均一律徵收銷地稅之規定是產銷兩項照章互行不背並非重徵奉函前因理合據實呈復伏祈鑒核施行等情據此查閱該處呈復各節係屬按照定章辦理尙無一稅重徵情事據情合行令仰該總商會遵照即便轉飭該商等知照可也切切此令

中華民國十四年五月十二日

膠澳商埠督辦公署訓令 第三七四號

令公立黃埠初級小學校校長王汝珊

爲令行事查公立黃埠初級小學校校長張文德業經撤職並委該員接充在案所有該校文卷器具款項一切自應分別查明交接清楚會同具報以備查考除分令外合亟令仰遵照毋違切切此令

中華民國十四年五月十三日

膠澳商埠督辦公署訓令 第三七五號

令公立黃埠初級小學校校長張文德

爲令行事查辦理小學責任綦重充膺校長者自應勤慎將事孳孳不倦方足以言發展前據本期視學報告

該校學生日見減少其平日辦事毫無振作可想而知茲查該校長常不到校校務廢弛胥由於此况此次呈准自四月十七日起請假一星期歸省侍病迄今二十餘日尙未銷假曠職守玩視學務至於此極應即撤職以示懲戒所遺校長職務查有京兆第一中學校畢業生王汝珊曾充小學教員多年資格相符堪以委任接充所有該校文卷器具款項一切應俟新校長到校後分別查明會同交接清楚會同具報以備查攷除分令並委任外合亟令仰遵照毋違切切此令

中華民國十四年五月十三日

### 膠澳商埠督辦公署訓令 第三七九號

令公立灰牛石初級小學校

案查前據該校長呈請擬於東烏衣巷村設立分校添聘教員追加經費以便教授等情當經指令仰候派員查復在案正核辦間復據烏衣巷區區長畢勳臣等呈同前因即飭視學員徐鴻策于寶田會同前往該村分別調查詳細呈復以憑核奪去後茲據覆稱查得東烏衣巷村現因取締私塾以至男女諸生輟學者頗多雖該村距離灰牛石學校僅有三里許而願往該校肄業者不乏其人無如中隔一河每逢水發時幼齡兒童往來咸感不便加之該校教室容積過小如果再增人數殊覺無從安置是則分校之設實不可稍緩須臾擬請俯賜照准責令該校長等尅期興辦俾兒童不至有失學之虞斯教育乃有推廣之望復偕同區長畢勳臣暨副區長村長街長楊南坡等前往擇定分校處所視察勘得該分校地址座落東烏衣巷村後計分教室二所一係楊氏祠堂內有北房四間可容學生五十人一係毛氏祠堂亦有北房四間可容學生四十人地方幽靜舍宇寬宏光線尙能合度且兩教室近在比鄰教員上課堪稱便利以之設立分校最爲相宜惟四週牆壁仍須加以粉飾方足以壯觀瞻而期潔淨再與兩教室山牆上端各開一窗使空氣得以流通尤於衛生有益該區長等正在籌辦校中應用桌凳等件一俟辦理就緒即可成立似此熱心興學實爲區長中不可多得之人並請恩准予以獎勵用昭激勸至於聘任教員追加經費究應如何辦理之處視學等未敢擅擬伏乞裁奪示

遵等情報告前來查東島衣巷村既有多數學生情願入校肄業乃因該校教室狹隘容納不下且又爲河所隔諸多妨礙自應設法安置以免曠誤青年寶貴之光陰至爲可惜所擇分校地址業經該視學員等會同查勘地點尙屬相宜教室二所容積光線均能適用應准在於該村設立分校以資擴充而便教授所有開應用校具等費已由該區長等自行籌辦具見關心教育踴躍從公着卽傳令嘉獎藉示鼓勵除批示外合亟令仰該校長遵照卽會同該區長等遵章設備積極進行以期早觀厥成一俟告竣卽由該校長呈請遴派教員到校就職擇期開學其教員薪公等費應自開學之日起准予追加經費洋二十七元規定教員月支俸薪二十三元公費四元隨同該校額支經常費按月具領併仰知照此令  
中華民國十四年五月十三日

膠澳商埠督辦公署指令 第一一〇五號

令公立青島兩級小學校

呈一件 呈送職教員暨學生履歷一覽表由

呈表均悉查核各項表件尙屬明晰應准備案仰卽知照此令附表三份存  
中華民國十四年五月九日

膠澳商埠督辦公署指令 第一一〇六號

令公立通俗圖書館

呈一件 呈送四月份閱書人數比較表由

呈表均悉准予備案仰卽知照此令表存

中華民國十四年五月九日

膠澳商埠督辦公署指令 第一一〇七號

令公立青島兩級小學校

呈一件 呈報初級四年生修業期滿應行畢業情形請備案由

呈表已悉該校四年級學生既已修業期滿應准舉行畢業仰於試驗完竣後迅將該生等各學年各科成績分數表暨畢業總平均分數表分別填列連同畢業證書一併呈送來署以憑核辦併即知照此令表存  
中華民國十四年五月九日

膠澳商埠督辦公署指令 第一一〇八號

令公立于哥莊初級小學校

呈一件 呈復遵令更正學生姓名由

呈表均悉准予備案惟一年級學生宋立宋啓純宋當令宋希天等四名成績分數均在六十分以下仍應留級補習以符定章仰即知照此令表存  
中華民國十四年五月九日

膠澳商埠督辦公署指令 第一一二三號

令公立李村兩級小學校

呈一件 呈轉請添設分校并保留教員一人由

呈悉查楊哥莊與該校相距不過里許凡曾到該校者多能知之該校長何竟茫然遽憑區長王瑞昌即王知昌等片面之詞謂有三里之遙年幼諸生往返咸感不便等語輒敢據以轉陳實屬荒謬已極又謂李村係一市鎮初小學生最易沾染惡習惟在於該村設立分校俾各生求學有地不致輟學等情此等措辭殊不足為添設分校之充分理由倘其他各村區長皆援此例以請求試問該校長果能遍設分校於各村一一以應付耶惟添設分校尚屬為推廣教育起見情有可原自無不准之理至保留教員一節本難許可姑因暑假之期不遠酌予變通暫行照准以示體恤所有該教員月支薪公等費共洋三十元仍照舊章核發隨同該校額支經費按月請領但截至暑假前為止以示限制俟該校教員裁併後再為分別厘定而清款目又前據視學



員報稱察該校時出席學生統計一百五十五名內高級男生僅有二十人不足額定班次又高級女生僅有十人係與初級四年女生七名勉成複式一班連同其他各年級暨初級男女諸生四班共合六班之數等情報告前來核其所陳各節某教員在幾級教室教授某級學生出席者若干人授以何課教態如何頗為詳晰似不至有所錯誤迺該校長聲稱現有班次計高初級分爲七班共有學生一百八十七名年級不齊程度各殊礙難分班教授等語核與該視學員所報學生人數何以相差如此之多豈當查學之時學生缺席竟有三十餘人耶抑該校長虛報人數耶二者必居其一即使人數無訛前次學生之少實因有事請假故爾缺席然該校長所司何事曷不及早告之視學員致令與報告不符咎亦難辭况前發第三一零號訓令業經明白指示從寬規定係照六班計算即以三十人爲一班得數應爲一百八十人是亦適合雖即裁減教員二員並不爲苛實無增加教員之必要着自下學期爲始如能添招新生遵照規定學額擴充班次自可添派教員追加經費設竟有所不能仍應裁去教員一員不得再請保留以符定章庶幾款不虛糜而事歸實際矣仰即遵照切切此令

中華民國十四年五月十一日

膠澳商埠督辦公署指令 第一二二〇號

令 尙 錫 齡

呈一件 呈遵修正簡章設立私立小學請備案由

呈覽簡章已悉查核簡章大致尙無不合惟男女學生定額二十名未免太少應即招足三十名始成一班之數茲發去鈐記式樣一紙仰即依式刊刻木質鈐記一顆文曰膠澳商埠私立塔埠頭基督教浸信會初級小學校鈐記以昭信守仍仰將辦理情形及啓用鈐記日期呈報查攷併即知照此令簡章存

中華民國十四年五月十二日

膠澳商埠督辦公署指令 第一二二三號

令 警察廳

呈一件 呈復遵令理結魚市場與福田魚行等互控一案情形並請銷案由

呈暨福田魚行原呈一件均悉本案既據當事者呈稱現已有人調解雙方出於誤會聲請撤銷自應准予銷案仰即分飭知照此令附件存  
中華民國十四年五月十三日

膠澳商埠督辦公署指令 第一二二八號

令 港政局

呈一件 呈復遵令查案擬議日商新華公司請求掃海情形乞示遵由

呈悉查核擬議各節尙屬公允應予照准仰仍詳擬辦法尅日呈復到署以憑核奪飭遵毋延切切此令  
中華民國十四年五月十三日

膠澳商埠督辦公署指令 第一二二九號

令 警察廳

呈一件 呈報徐月亭等組織工人儲蓄會請備案由

呈暨簡章職員錄均悉查儲蓄一事法良意美各國行之頗著成效大都素稱安慎而名望顯達之人創辦此舉並有切實之保證始可見信於社會然後通行方無阻滯究竟徐月亭等平日作何事業有無殷實商號爲其担保來呈均未聲敘無從審核且所擬簡章第十三條內載各節語多矛盾又第十四條暨第十五條顯有抵觸全第十六條內載支付利息及分配辦法規定爲按期加入存儲期滿時按股均分各等語所謂按期者究以若干時爲一期儲款幾何爲一股並未逐項說明殊覺含混手續既有不合呈送簡章又復種種錯誤所請備案之處礙難照准仰即轉飭知照此令附件發還

中華民國十四年五月十三日

膠澳商埠督辦公署指令 第一一三三七號

令公立下河初級小學校

呈一件 呈爲暫編五年級學生附具履歷表請鑒備案由

呈暨履歷表均悉查該校與公立李村兩級小學校相距非遙所有初級畢業生劉遠志等自應飭送升入李村學校肄業以求深造而符定章且該校原非兩級豈能因少數學生特設高級一班非但有糜公款亦且無此辦法如果該生等不願赴李村升學只可變通辦理准在課外補習不得另成班次妨礙初級功課致紊校規仰即遵照勿違此令履歷表存

中華民國十四年五月十四日

膠澳商埠督辦公署指令 第一一三三八號

令公立姜哥莊初級小學校

呈一件 呈報聘王振甲爲教員並送履歷請備案由

呈暨履歷均悉查王振甲畢業資格尙合應准聘充該校教員仍仰將該員畢業證書呈候核驗以符定章仰即遵照勿違此令履歷存

中華民國十四年五月十四日

膠澳商埠督辦公署指令 第一一三三九號

令公立下河初級小學校

呈一件 呈送學校一覽表由

呈表均悉查核各項冊表尙屬清晰應准備案仰即知照此令表存

中華民國十四年五月十四日

膠澳商埠督辦公署指令 第一一四〇號

令公立滄口初級小學校

呈一件 呈送學生履歷表冊請備案由

呈表均悉查核表列各項尚屬清晰應准備案仰即知照此令表存  
中華民國十四年五月十四日

膠澳商埠督辦公署委任令 第一〇五號

令于鍾岱

總務科科長于鍾岱調充財政科科長此令

中華民國十四年五月十六日

膠澳商埠督辦公署委任令 第一〇六號

令李毓藻

委李毓藻充總務科科長此令

中華民國十四年五月十六日

▲▲布告▲▲

膠澳商埠警察廳布告 第二七號

爲布告事照得本埠日用魚蝦均在市場陳列銷售間有肩挑小販祇准負箱遊行販賣以便居戶不准停歇道旁任意攤設原所以利便交通而重衛生曾經本廳規定暫行辦法已於上年五月間布告並派員定期檢驗魚箱給牌烙印在案近查一般無識小販罔知辦法竟在小港沿海岸以及東海樓四方易州等路舊集道旁任意攤設際茲夏令魚蝦腥穢已屬不潔一經暴曬尤易腐爛長此玩違於衛生秩序大有妨礙除令行各該管署飭屬隨時切實取締外爲此布告各肩挑魚販一體知悉凡欲營業魚販者按照舊箱尺寸式樣自置魚箱定於本月二十五日起至三十日止每日上午九時起至十二時止攜帶魚箱來廳齊集後院聽候檢驗

給牌烙印其上年已經驗明給牌各魚販亦應各帶魚箱屆時併行復驗以資清潔而示整齊毋違切切此布  
中華民國十四年五月十六日

### ▲批 示▼

膠澳商埠督辦公署批 第四五九號

具呈人烏衣巷區區長畢勳臣等

呈一件 呈請設立灰牛石分校由

據呈已悉業經視學員查復該村有特殊情形應准設立分校以廣教育已令行公立灰牛石小學校遵照辦理仰即知照此批  
中華民國十四年五月十三日

膠澳商埠督辦公署批 第四六〇號

具呈人高敬庭

呈一件 呈為開設源昌當店懇請註冊給照由

呈悉查核該當典資本金額暨營業規條均與章程相符應准註冊已飭科填就執照一紙仰即逕至本署民政科具領以便營業至該當商會  
於民國十二年二月十一日呈請註冊時繳到註冊規費三元存科已久並飭科正式列收矣併仰知照此批  
中華民國十四年五月十三日

### ▲附 件▼

膠澳商埠港政局業務經過概要

民國十四年一月旬報 (續第二百二十二期)  
下 旬 報

一輪船出入

本旬繫埠輪船四四隻七九，二五一噸離埠輪船四六隻八四，一一五噸與去年同期比較繫埠者增加一隻而註冊噸數減少二，〇一六噸離埠者增加一一隻註冊噸數增加二四，四一八噸茲將本旬繫離輪船隻數噸數及所屬國籍區分於下

繫埠 中國船五隻三，七一八噸日本船二一隻二四，二四一噸英國船七隻一一，二九八噸美國船四隻一八，五二二噸其他各國船七隻二一，四七三噸

繫埠 中國船七隻五，八八八噸日本船二一隻二五，二五五噸英國船九隻一六，八三二噸美國船四隻一八，五二一噸其他各國船五隻一七，六一九噸

旬末泊港輪船九隻一五、八三三噸計中國船一隻八四九噸日本船四隻四，四四九噸英國船一隻一，一七〇噸德國船一隻四，八〇四噸法船一隻四，二八七噸丹國船一隻二七四噸

二輪船裝卸貨物

進 口	出 口	去年 同 期		增 減
		本 旬	計	
一五、七八一、〇	二六、八〇〇、五	二八、六一五、八	一、八一五、三	
四三、五八一、五	一三、三四九、六	四、一九六五、四	二、四三一、四	△
				△ 六一六、一

出口貨物

本旬輸出總額計二萬八千六百一十五噸八較去年同期增加一千八百一十五噸三其重要貨物為花生，花生油，焦炭，煤炭，等茲就出口地別及增減數量分列於下

出口至大連之啤酒，花生油，等增加一百四十餘噸至香港之煙葉，花生油，等增加二百三十餘噸至其他中國各埠之花生，花生油，煙葉，等增加五百八十餘噸至日本內地之棉花，桐木，煤炭，等增加一百三十餘噸至其他各國之花生，花生油等增加三千一百餘噸

出口至上海之煙葉，草辦，等減少一千四百餘噸至朝鮮之鹽，焦炭等減少九百八十餘噸

進口貨物

本旬輸入總額計一萬三千三百四十九噸六較去年同期減少二千四百三十一噸四其重要貨物為煙草，海產類，紙類，等茲將進口地別及增減數量分列於下

由大連進口之麻袋，水泥等減少一百二十餘噸由上海之煙草，紙類，等減少二千四百餘噸由

香港之砂糖，蔗袋，等減少九百四十餘噸由其他各國之其他普通貨物減少約一千一百噸  
 由其他中國各埠之煤油，木料，等增加一千七百餘噸由日本內地之砂糖木料水泥等增加四百  
 四十餘噸由朝鮮輸入則較去年同期無多增減  
 重要出口貨物噸數去年同期對照表

品名	去年同期	本旬	增	減
花生	九、二一九、五	一二、九〇〇、二		三、六八〇、七
烟葉	二、〇八六、五	八八四、一	△	一、二〇二、四
雞蛋	八七七、九	三三三、七	△	五四四、二
牛肉	五一七、二	二九九、七	△	二一七、五
鹽類	一、〇〇〇、〇		△	一、〇〇〇、〇
啤酒	一五、〇	五九、一		四四、一
棉花	七〇八、一	一、〇五六、一		三四八、〇
草辦	二六二、〇	二八九、六		二九、四
牛	一二、五		△	一二、五
豬牛脂	七〇、五	一二一、五		三一、〇
生熟牛皮	四五、一	三〇、七	△	一四、四
豆油	九、六	二五、〇		一五、四

花生油	八四八、四	一、五九七、三	七四八、九
桐木	五八六、五	八八五、一	二九八、六
焦炭	一一五、〇	九七一、〇	八五六、〇
煤炭	四、九三〇、〇	五、八九四、〇	九六四、〇
鐵鑛	三、二〇〇、〇		△ 三、二〇〇、〇

備攷 增減欄內記△符號係表示本旬減少之意  
重要出口貨物噸數向往地別表

品名	大連	上海	香港	其他中國各埠	日本內地	朝鮮	其他外國	計
花生		三〇九、三		四四〇、一	三五四、一		二、五五六、七	二、九〇〇、二
烟葉	五、七	三四、一	一三六、五	七〇七、八				八八四、一
雞蛋	一				三三三、七			三三三、七
牛肉		三、四			二九六、三			二九九、七
啤酒	四六、六	二、五						五九、一
棉花	四二、二	二〇五、二			六九八、三	一四、四		一、〇五六、一
草辦		二、七	三、二		二六九、〇		一四、七	二八九、六
豬牛脂	六、九			二、四	九二、二			一〇一、五
生熟牛皮		八、七			一一一、〇			一一〇、七



重要進口貨物噸數去年同期對照表  
備攷 台灣之棉花含於日本內地欄內

品名	去年	同期	本旬	增減
豆油	二五〇			
花生油	二二六、二	二七一、六	三九九、五	三七〇
桐木			八八四、六	〇、五
焦炭	一一〇、〇	一一〇〇、〇	六〇〇、〇	五一〇
煤炭	二、九四〇、〇	四、〇	二、九五〇、〇	五、八九四、〇
高粱	三、一	五九、一		五、九
白米	一三一、五	八九、六		四、九
豆類	五、九	一、九		四、〇
豆餅	一九、四			一九、四
煙草	一、二四二、六	四六八、七		七七三、九
砂糖	一、八一、三	二、四六四、一		六五二、八
海產類	八一三、八	四〇三、九		四〇九、九
棉布	一一六〇、一	二二九九、六		二〇、五
棉紗	八四、六	一八、四		六六、二
煤油		二、九〇九、三		一、九〇九、三

洋	物	雜	貨	一八二、一	二六二、三	八、二
本		泥		六〇、三	一九五、八	一三五、五
自	來	火			二、九	二、九
紙		類		一、一三五、三	四〇九、五	△ 七二五、八
木		料		一、四二五、八	二、〇九九、二	六七三、四
蔴		袋		二、三三、八	一八六、四	△ 四七、四

### 山東青島地方審判廳刑事判決

一件 楊倬臣等鴉片偽造公文公印一案

主文

楊倬臣偽造公印及共同偽造公文書並行使因而公然煽惑他人栽種罌粟處四等有期徒刑二年開設館舍供人吸食鴉片煙處五等有期徒刑陸月併科罰金一百元吸食鴉片煙處罰金三十元執行徒刑二年罰金一百元罰金如無力繳納准以一元折算一日易以禁監未決期內羈押日數准以二日抵徒刑一日或罰金一元

秦子修共同偽造公文書因而事前幫助楊倬臣煽惑他人栽種罌粟處四等有期徒刑一年未決期內羈押日數准以二日抵徒刑一日唐東海姜丕雲實施中幫助楊倬臣開設館舍供人吸食鴉片煙各處五等有期徒刑六月並科罰金四十元如無力繳納罰金均准以一元折算一日易一監禁或罰金一元

木質關防一顆佈布七張佈告底稿一張煙土一兩煙膏一包均予沒收

唐東海姜丕雲秦子修其餘部分無罪

中華民國十四年四月十五日

一件 張振遠竊盜一案

主文

張振遠竊盜處五等有期徒刑二月未決期內羈押日數准以二日抵徒刑一日

中華民國十四年四月十七日

一件 田運竊盜一案

主 文

田運竊盜處四等有期徒刑一年未決期內羈押日數准以二日抵徒刑一日  
中華民國十四年四月十七日

## ▲廣告▼

啓者敝號專辦中外客事水路運輸及堆棧報關等事定期迅速便利客商倘蒙 各界惠顧不勝歡迎此啓

青島通關號主人謹啓 陽穀路三十五號

## 本報啓事一

本報雖係公報性質而以發展工商業爲主旨凡在本報刊登廣告者特別歡迎

## 本報啓事二

本報刊登廣告具兩大特色一訂閱本報者多係工商界鉅子可作極有力量之介紹一本報暢銷百七縣及各大商埠登載廣告可以普及全國

## 本報廣告價目表

- 一 凡在本報刊登廣告以四十二字起碼爲一行不足四十二字者按一行計算
- 一 登一則者每行收大洋二角登兩期者三角五分四期者六角一月者一元
- 一 登至二十行者均按八折計算
- 一 登半年者概以六折計算其因公益及公務事項刊登者無論久暫均按六折計算
- 一 刊登常年者另議特減
- 一 若用大字及印登商標者均照登佔面積計算刊工另議酌加